



UPA2019/209/57

**Uunga siunnersuut: Imigassaq pillugu Inatsisartut inatsisaata allanngortinneqarnera pillugu Inatsisartut inatsisaat nr. xx, xx.xxx 2019-imeersoq.**

(Peqqissutsimut, Isumaginninnermut Inatsisinillu Atuutsitsinnermut Naalakkersuisoq)

**Tallimannngornerup arfininngornerullu unnuaani kiisalu ullut freerfiussat nallilerneranni ullaassakkut 05.00-p tungaanut imigassamik sassaaliisalnissaq anguniarlugu Imigassamut inatsimmi § 26-p allanngortinnissaanut siunnersuummik saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Justus Hansen, Demokraatit)

Imigassaq pillugu allannguutissatut siunnersuutit pillugit Siumumiit isumaqarpugut ukiup ataatsip ingerlanerani pisut uuttortaatigissallugit naleqquttut, naak piffissaq sivikittoq ingerlagaluartoq taamaattoq inuiaqatigiinni qisuariaatsit assigiinngitsut pitsaasut pitsaanngitsullu nalilersussallugit piffissanngorsorinarpoq.

Ukiut arlallit maannamut ingerlaneranni imigassamik atuineq annikilliarthonera nuannaarutigisariaqarparput. Imigassamilli atuinerup kinguneranik inuppasuit assigiinngittutugit ilungersunartunik aqqusaagaqarsimapput. Imigassamik politikkeqarnissaq assigiinngittorpassuarnik isummersorfigineqartarpoq. Kisianni Siumut isumaqarpoq misileraanerit allanngortittaqaattarlugit pigaluaaraanni ajornartorsiup qitia angutinnagu inatsisit mumeqattaarneqarsinnaasut. Taamaattoq imigassartoriaatsip qaarmassaavigineqarnissaa ammasumik oqallisigineqartariaqarpoq. Ilisimareerlugulu takoreerpagut ajornartorsiutit kaavittut aallartiffimminniit nangeqqittuaannarmata.

Inatsisini allannguutissatut siunnersuutigineqartut pillugit allannguinnissaq asuliinnaangilaq, tamanna miserratigigaluarutsigilluunniit takusinnaareerpagut torrallassimanngisagut inunnut sumiiffinnullu pineqartunut kalluaasoq, uani pineqarput 18 inorlugit ukiullit cafe-ni isersimaarsinnaanerisa killeqartinneqarnerat. Naapertuuttumik naleqqussaasariaqarpugut ulluinnarni atuisut eqqarsaatigalugit.

Niuertarfinni imigassamik tuniniaasinnaanermik ammatitsineq sivitsorniarneqarnera pillugu isuma Siumumiit ammaffigaarput. Annermik peqqutigalugu aningaasanik qernertuliortartut ulluinnarsiutaalersimani akuersaannginnatsigit. Isumaqarpugulli ataatsimiititaliami sulinermi pissutsit tamakku pillugit iternga tikillugu oqaluuserineqarinissaa pissusissamisoortoq. Ilisimavarput



UPA2019/209/57

suut tamarmik akerleqarlutillu mumingaqtarmata, naaperiaasinnaanerli annerpaamik suleqatigiissutigissallugit tulluartippagut.

Ussassarinermut tunngatillugu Siumut isumaqarpoq isumatusaartumik eqqarsarnissaq eqqartueqatigiinnissarlu pingaernerpaasariaqartut. Sunaluunniit kipparissuinnartut ingilaq, tamatuma takutippaa ammasumik eqqartuisoqartariaqartoq. Tusarniaanerup takutippaa sunniutit innuttaasunut qanoq pitsaaquteqarlutillu ajoquteqarsinnaasut, taamaattumik nalilersuilluarnissaq naaperiaasinnaanerlu pitsaanerpaaq atussallugu tulluernerpaasoq Siumut isumaqarpoq.

Ilanngullugu pkt 57 misissorluarneqartariaqartoq nalilersorneqarlunilu. Taamaattumik Naalackersuisut siunnersuutaat ilanngullugu Ilaqutariinnermut Peqqissutsimullu Ataatsimiititaliami nalilersorluarneqarnissaat Siumumiit kissaatigaarput. Ataatsimiititaliarlu sulilluarnissaanik kissaallugu.

Qujanaq